

UNIVERZITET U SARAJEVU  
ELEKTROTEHNIČKI FAKULTET U SARAJEVU  
Broj: 12-206/21  
Dana: 18.01.2021. godine

Na člana 136. stav (1) Zakona o visokom obrazovanju ("Službene novine Kantona Sarajevo", br. 33/17, 35/20 i 40/20), člana 108. Statuta Univerziteta u Sarajevu (br. 01-1093-3-1/18 od 28.11.2018.), člana 100. stav (3) a u vezi sa članom 64. stav (1) tačka b) Zakona o javnim nabavkama („Službeni glasnik BiH“, br. 39/14) na Preporuku Komisije za javnu nabavku broj: 12-169/21 od 15.01.2021. godine, u postupku javne nabavke Kompjuterska oprema za LOT 2 - FPGA razvojni kit, rješavajući po uloženoj žalbi ponuđača DOO INGEL TUZLA od 11.01.2021. godine, dekan Elektrotehničkog fakulteta u Sarajevu, *d o n o s i*

## O D L U K U

### Član 1.

Usvaja se žalba ponuđača DOO INGEL TUZLA na Odluku o izboru najpovoljnijeg ponuđača (br. 12-6/21 od 04.01.2021. godine) u postupku javne nabavke Kompjuterska oprema za LOT 2 - FPGA razvojni kit, kao osnovana.

### Član 2.

Shodno članu 1. ove Odluke, Odluka o izboru najpovoljnijeg ponuđača (br. 12-6/21 od 04.01.2021. godine), kojom je izvršen izbor najpovoljnijeg ponuđača D.O.O. ELUR KISELJAK, stavlja se van snage u cjelosti.

### Član 3.

Najpovoljniji ponuđač u postupku javne Kompjuterska oprema za LOT 2 - FPGA - razvojni kit, u skladu sa ponovljenom analizom ponuda i Preporukom Komisije za javne nabavke (br. 12-169/21 od 15.01.2020. godine), jeste DOO INGEL TUZLA sa ukupnom vrijednosti ponude u iznosu od 4.300,00 KM bez PDV-a.

### Član 4.

Izabrani ponuđač dužan je u roku od 7 (sedam) dana od dana zaprimanja ove Odluke, na adresu Elektrotehničkog fakulteta u Sarajevu, Zmaja od Bosne bb, 71000 Sarajevo, dostaviti originale ili ovjerene kopije dokaza traženih tačkom 12. Tenderske dokumentacije, ne starije od 3 (tri) mjeseca od dana dostavljanja ponude.

U slučaju da izabrani ponuđač ne dostavi dokaze o kvalificiranosti u navedenom roku ili dostavi neprihvatljive dokaze, ponuda će se odbaciti kao neprihvatljiva.

### Član 5.

Ova odluka objavit će se na web-stranici Elektrotehničkog fakulteta u Sarajevu, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

### Član 6.

Ova Odluka stupa na sng danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

### Obrazloženje

U provedenom postupku javne nabavke po konkurentskom zahtjevu Kompjuterska oprema za LOT 2 - FPGA - razvojni kit, objavljivanjem Obavještenja o nabavci broj: 5714-7-1-111-3-20/20 na Portalu javnih nabavki dana 04.12.2020. godine, na donesnu Odluku ugovornog organa o izboru najpovoljnijeg ponuđača br: 12-6/21 od 04.01.2021. godine, kojom je ugovor dodijeljen ponuđaču ELUR D.O.O. KISELJAK, ponuđač DOO INGEL TUZLA, izjavio je žalbu.

Žalba ponuđača DOO INGEL TUZLA, je zaprimljena na protokol Ugovornog organa dana 11.01.2021.godine i zavedena pod brojem protokola 12-85/21 i ista je blagovremena, dopuštena i izjavljena od ovlaštenog lica.

Komisija za javne nabavke je nakon zaprimanja žalbe od ponuđača DOO INGEL TUZLA, izvršila ponovni uvid i ocjenu pristiglih ponuda na sastanku održanom dana 15.01.2021. godine sa početkom u 10:00 sati.

Komisija za javne nabavke je utvrdila da je žalba ponuđača DOO INGEL TUZLA, osnovana.

U svojoj žalbi ponuđač DOO INGEL TUZLA navodi:

*"Nakon izvršenog uvida i detaljne analize ponude izabranog ponuđača ELUR d.o.o. Kiseljak obavještavamo Vas da ne prihvatamo Odluku o izboru najpovoljnijeg ponuđača broj 12-6/21 od 04.01.2021. godine i da zahtjevamo da istu poništite, te donesete novu odluku, kojom bi kao najpovoljniji ponuđač bio izabran INGEL d.o.o. Tuzla, jer je to nesporna činjenica. Takođe, očekujemo da poništite rezultate elektronske aukcije.*

*Obrazloženje:*

*Ponuđač ELUR d.o.o. Kiseljak je u svojoj ponudio kao dodatnu FMC karticu ponudio proizvod sa oznakom NET-FMC proizvođača TERASIC Inc., koji nije naponski kompatibilan sa osnovnim proizvodom DK-DEV-10CX220-A. Tu činjenicu je potvrdio proizvođač TERASIC Inc., na naš upit putem e-maila (prilog 1 dokaz 1).*

*S druge strane, INGEL d.o.o. Tuzla je ponudio FMC karticu, koja je potpuno kompatibilna sa osnovnim proizvodom, što smo takođe provjerili putem e-maila sa proizvođačem ALINX Electronics Technology Co. Ltd, a što možemo i dokazati ukoliko bude potrebno."*

Navodi žalitelja DOO INGEL TUZLA:

*"Ponuđač ELUR d.o.o. Kiseljak je u svojoj ponudio kao dodatnu FMC karticu ponudio proizvod sa oznakom NET-FMC proizvođača TERASIC Inc., koji nije naponski kompatibilan sa osnovnim proizvodom DK-DEV-10CX220-A. Tu činjenicu je potvrdio proizvođač TERASIC Inc., na naš upit putem e-maila (prilog 1 dokaz 1)", su osnovani.*

Ponuđač ELUR D.O.O. KISELJAK, je dostavio katalog za ponuđeni model iz kojeg proizilazi da nije u skladu sa traženom tehničkom specifikacijom. Naime, ponuđač je ponudio kao dodatnu FMC ekspanzionu karticu sa četiri (4) 10/100/1000 Base-T Ethernet sučelja model sa oznakom NET-FMC proizvođača TERASIC Inc., koja nije naponski kompatibilna sa osnovnim proizvodom DK-DEV-10CX220-A. FPGA razvojni sistem DK-DEV-10CX220-A, podržava naponski standard 3.3V+1.8V, dok ponuđena FMC ekspanziona kartica sa oznakom NET-FMC proizvođača TERASIC Inc., podržava samo naponski standard od 2.5V.

O izvršenom pregledu i ocjeni ponuda Komsija za javne nabavke je sačinila Zapisnik o ponovnom pregledu i ocjeni ponuda br. 12-168/21 od 15.01.2021. godine kao i Preporuku br. 12-169/21 od 15.01.2021. godine.

Detaljnim ponovnim pregledom i ocjenom ponuda ponuđača, Komisija za javne nabavke utvrdila je da je u predmetnom postupku javne nabavke zaprimljena samo 1 (jedna) prihvatljiva ponuda ponuđača DOO INGEL TUZLA.

Uzimajući u obzir naprijed navedeno, a primjenom člana 64. stava (1) tačka b) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

U skladu sa članom 100. stav (4) Zakona o javnim nabavkama, protiv ove Odluke može se izjaviti žalba, Uredu za razmatranje žalbi, putem ugovornog organa, najkasnije u roku od 5 (pet) dana od dana prijema ove Odluke.

DEKAN

Prof.dr. Jasmin Velagić



Dostaviti:

- Ponuđačima
- Finansijskoj službi
- Službi za tehničku podršku
- a/a